

A BIGIN FU A

BUN

NYUNSU


**"Baka di den poti Yohannes ini dungruoso,
Yeises go na Galilea. A bari a bun nyunsu fu
Gado." A ten kon, a taki." A kownukondre fu
Gado kon kros'bei. Drai yu libi, bribi a bun
nyunsu !" (Mark 1:14, 15)**



A bun nyunsu fu Markus na a moro syatuwan fu den fo bun nyunsu, di e skrifi abra a libi fu Yeises.

Na wan esi tori nanga syatu tori. Wan tori di e gro gefarlek. Den sani e psa so na wi fesi. Yu na man misi no wan pikin sani, ala sani yu musu sabi.

Fu taki a tori syatu, Markes na a bun nyunsu fu tide, pe alasani e psa gaw, bika ten na moni. Meki wi gebroiki a ten fu leri a moro prenspari sani : “ A bun nyunsu fu Yeises Krestes, a boi fu Gado. (Mark.1:1).



▶ A sma di skrifi a bun nyunsu:

- Wan di no du san a ben musu.
- Fu gebroiki ini dini.

▶ A begin fu a bun nyunsu:

- A seti kon fu a wroko. Mark. 1:1-8.
- A dopu. Mark. 1: 9-13.
- A boskopu. Mark. 1: 14,15.



A SKRIF"MAN FU A BUN NYUNSU


WAN DI NO DU SAN A BEN MUSU

"Di Barnabas nanga Sawles kba nanga den mesi, den kmoto fu Yerusalem. Den teki nanga den, Yohanes, di den ben kari owktu Markes." (Bosk. 12:25)



Leki den tra bun nyunsuman, Markes no e kari en nen. A ben de wan boi ete di den tori disi ben psa, di a ben skrifi. A ben leri abra den sani disi, a prakseri de, bika a ben de krosibei fu a apostel Peitres, di ferteri en disi. (1 Peit. 5:13).


Yohanes Markes en m'ma ben de a eiginari fu a presi ini Yerusalem, pe a kerki ben konmakandra fu begi fu di Peitres ben sroto. (Bosk. 12:12).



Wan syat'pisi baka disi, Barnabas nanga Sawles (di ben go na Yerusalem fu tyari wan ofrandi) teki Yohanes Markes go na Antioch. (Bosk. 12:25).

Ini Antioch, di a Santa Yeye kari Barnabas nanga Sawles fu de mesiman fu den Hijden, den teki Yohanes Markes fu wroko makandra nanga den. (Bosk. 13: 2-5).


Ma e mesi wroko ben tranga gi a yonboi Markes, di teki a besroiti fu go baka na Yerusalem. (Bosk. 13:13).




FU GEBROIKI INI DINI

"Soso Lukas de nanga mi. Tyari Markes kon nanga yu, bika a kan yepi mi ini mi mesi." (2 Tim. 4:11)

Di Pawles ben wani go a tweide leisi na en mesi, a no ben wani Markes leki wrokoman nanga den. (Bosk.15 :36-38) Pawles ben wani tranga yep'man, no sma fu de wan hebi gi trawan. Markes no ben fiti ini a tori disi.





Ma Barnabas ben de seiker dati en nefo Markes ben abi nofo ini en fu de wan bun mesiman. So a teki Markes go na Sipres, dan Pawles nanga Silas go na Asiya. (Bosk.15:39-41).



Wi no sabi san pesa baka dati, ma wi sabi dati Banabas ben abi leti. Dri leisi ini en brifi, Pawles ben skrifi dati Markes ben "kan de wan bun wrokoman ini mesi", (Kol.4:10; Fil.24; 2 Tim.4:11).

Tangi fu a tweide okasi, tide wi kan prisiri ini den span tori fu a Bun nyunsu fu Markes.







A BIGIN FU A BUN NYUNSU

A SETI FU A WROKO

"Disi ben de en boskopu : " Na mi baka a wan e kon, di abi moro makti leki mi, mi no warti fu kindi fu tai a fetre fu en susu." (Mark. 1:7)

Markes e bigin fu sori wi fa Gado e set' a kon fu en Boi(Mk. 1:1,2; Mal. 3:1). Wan waka di e bigin na ini heimel, di sa teki Yeises Krestes na a kroisi, fu teki en baka ini Heimel. (Mk. 16: 19).

Fu seti a pasi disu, Gado teki Yohanes a Dopuman, "a sten di e bari ini a sabana." (Mk. 1:3 ; Yes.40:3).




Bifo Yeises bigin en waka, fu gi en libi gi wi, Yohanes seti den sma ati, fu sori den fu drai den libi, owktu aksi den fu ben dopu. (Mk.1: 4-6).

A seti den fu teki a boi fu Gado: di ben tranga moro leki Yohanes srefi, nanga moro warti. Sosrefi a ben sa abi wan dopu, di ben sa de moro bun. (Mk. 1:7,8).

A DOPU

“Ini a ten dati, Yeises kon fu Nasaret ini Galeli, dan e teki dopu ini a Yordan, na anu fu Yohanes.” (Mk. 1:9)

Yeises bigin en koiri ini wan gefarlek fasi: Gado a P'pa e sori en leki en Boi. A Santa Yeye e sori ensrefi ini wan skin fasi. (Mk. 1: 10,11). Sensi a bigin, Yeises de fu si leki wan Gado, a Boi fu Gado. Ma owktu a de fu si leki wan libisma:



Yohanes dopu en, no wan tra fasi. (Mk. 1:9)



A Yeye e tyari en. (Mk. 1:12)



A de fanowdu fu a de en wawan nanga Gado. (Mk. 1:13a)



A didibri tesi en (Mk. 1:13b)



A miti hebi sani na skin fasi. (Mk. 1:13c)



Bun yeye e dini en. (Mk. 1:13d)

Na so wi kon fu si Yeises: heilemal Gado, heilemal libisma. A de Ferlusuman nanga Brada, Masra nanga eksempre. Na a kon krin, na alafasi, fu a lobi fu Gado gi libisma.

«A glori di ben rostu tapu Yeises na wan pramisi fu a lobi fu Gado gi wi. Ai taigi wi fu a krakti fu begi : fa a sten fu libisma kan miti Gado yesi e'n a aksi fu wi kan feni yesi ini den foroisi fu heimel...A leti di ben kmoto fu den doro,di opo na tapsei fu a ede fu a Ferlusuman sa skjn na wi tapu, te wi begi yepi fu kakafutu teige tesi A sten di taki nanga Yeises, e taigi ala sili di e bribi: “Disi na mi Boi di mi lobi ;mi abi prisiri nanga en.”»

70 wiki=490 yari			
7 wiki	62 wiki	½ WIKI	½ wiki
49 yari	434 yari	7 yari	



A BOSKOPU

“Baka di den sroto Yohanes, Yeises kon na Galilli, a preiki a bun nyunsu fu a kownukondre fu Gado.” (Mk. 1:14)

A fosi boskopu fu Yeises, ben abi dri sani (Mk. 1: 15)

“A ten ben kon”

A ben sori go na a profesi fu den 70 wiki. (Dan.9:24).
 Fu a komandi fu Artaxerses, a yari 457 FK, teleki a salfu fu a Mesias, 69 wiki ben sa psa. (f 25).
 Disi ben kon tru na a dopu fu Yeises, BK 27. Wan afu wiki moro fara, BK 31, Yeises kon dede (f. 27).

“A kownukondre fu Gado kon krosbei”

A pramisi dati a ferbontu fu a te'go libi ben bigin kon tru.



“drai yu libi, bribi a bun nyunsum”

A kari fu de ede na ede nanga a ferbontu, fu teki a pardon, nanga bribi ini Yeises.

Wi boskopu fu now, owkti abi den dri sani disi :A ten kon doro;Yeises e kon; wi musu drai wi libi, e’n bribi so wi kan go nanga En.

“A prenspari fu Yeises preiki ben de, “A ten doro kba, a kownukondre de kba ; drai yu libi, bribi a bun nyunsu.” So a bun nyunsu boskopu, so fa a Ferlusuman srefi ben gi en, ben abi leki fundamenti den profesu. A “ ten” di a ben taki ben doro, ben de a pis ten di a bunyeye Gabriyel ben meki Daniyel sabi....

Soleki a boskopu fu Krestes fosi kon, ben bari a kownukondre fu en kenade, so a boskopu fu en tweide kon e bari a kownukondre fu en glori. E' n a tweide boskopu, leki a fosiwan, abi leki fundamenti den profesu.

”